



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԱՐԴԱՐԱԴԱՏՈՒԹՅԱՆ ՆԱԽԱՐԱՐԻ ՏԵՂԱԿԱԼ**

0010 Երևան, Վազգեն Սարգսյան 3/8, հեռ.594 013  
էլ. փոստ [suren.krmoyan@justice.am](mailto:suren.krmoyan@justice.am)

№ \_\_\_\_\_

«\_\_\_» \_\_\_\_\_ 20 թ.

**ԻՆՖՈՐՄԱՑԻԱՅԻ ԱԶԱՏՈՒԹՅԱՆ ԿԵՆՏՐՈՆ  
ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ ՆԱԽԱԳԱՀ  
ՏԻԿԻՆ ԼԻԱՆԱ ԴՈՅԴՈՅԱՆԻՆ  
Ք. ԵՐԵՎԱՆ, ԲՈՒՋԱՆԴԻ ՓՈՂՈՑ 1/3**

Հարգելի տիկին Դոյդոյան

Ի պատասխան Ձեր 2017 թվականի նոյեմբերի 28-ի գրության՝ հայտնում եմ հետևյալը.

1. «Տեղեկատվության ազատության մասին» Հայաստանի Հանրապետության օրենքի նախագիծը լրամշակման և ներքին քննարկումների փուլում է:

2. «Տեղեկատվության ազատության մասին» Հայաստանի Հանրապետության օրենքի նախագծի լրամշակված տարբերակը պատրաստ լինելուն պես կդրվի հանրային քննարկման:

3. «Տեղեկատվության ազատության մասին» Հայաստանի Հանրապետության օրենքի նախագծի՝ Հայաստանի Հանրապետության կառավարություն ներկայացնելու կոնկրետ ժամկետ նախանշված չէ:

4. Քաղաքացիական հասարակության կողմից Հայաստանի Հանրապետության արդարադատության նախարարությանը ներկայացված առաջարկների մի մասի հիման վրա կազմված ամփոփաթերթը տեղադրված է իրավական ակտերի նախագծերի հրապարակման միասնական կայքում ([www.e-draft.am](http://www.e-draft.am)):

Ինչ վերաբերում է քաղաքացիական հասարակության կողմից ներկայացված այլ առաջարկներին, ապա այդ առաջարկների հիման վրա կազմված ամփոփաթերթը

հնարավոր կլինի տրամադրել «Տեղեկատվության ազատության մասին» Հայաստանի Հանրապետության օրենքի նախագծի լրամշակված տարբերակի հրապարակումից հետո միայն:

5. «Տեղեկատվության ազատության մասին» Հայաստանի Հանրապետության օրենքի 3-րդ հոդվածի համաձայն՝ տեղեկությունը՝ անձի, առարկայի, փաստի, հանգամանքի, իրադարձության, եղելության, երևույթի վերաբերյալ օրենսդրությամբ սահմանված կարգով **ստացված** և **ձևավորված** տվյալներն են՝ անկախ դրանց տնօրինման ձևից կամ նյութական կրիչից (տեքստային, էլեկտրոնային փաստաթղթեր, ձայնագրություններ, տեսագրություններ, լուսաժապավեններ, գծագրեր, սխեմաներ, նոտաներ, քարտեզներ): 2017 թվականի նոյեմբերի 28-ի դրությամբ «Տեղեկատվության ազատության մասին» Հայաստանի Հանրապետության օրենքի նախագծի լրամշակված տարբերակը դեռևս ստացված և ձևավորված չէ: Ելնելով վերոգրյալից հարկ է նշել, որ «Տեղեկատվության ազատության մասին» Հայաստանի Հանրապետության օրենքի նախագծի լրամշակված տարբերակը Ձեզ կտրամադրվի «Իրավական ակտերի մասին» Հայաստանի Հանրապետության օրենքի 27-րդ հոդվածով սահմանված կարգով հանրային քննարկման դրվելու հետ միաժամանակ:

**ՀԱՐԳԱՆՔՈՎ՝**

**ՍՈՒՐԵՆ ՔՐՄՈՅԱՆ**

